

# Namminersornerullutik Oqartussat nalunaarutaat nunaqarfinni illut sulliviit pilersinnejqarnerannut tapiissuteqartarneq pillugu

Landstingip inatsisaani nr. 9 16. november 1984-imeersumi § 9 malillugu nunaqarfinni illunik sullivinnik pilersitsinermut tapiissutit pillugit makku aalajangersarnejqarput:

## Kap. 1

*Siuunertaa aalajangersakkallu nalinginnaasut.*

**§ 1.** Namminersornerullutik Oqartussat nunaqarfinni illunik sullivinnik sananermut aningasartuutit ilaasa matunissaannut kommunenut tapiissuteqarsinnaapput.

**§ 2.** Namminersornerullutik Oqartussat illut sulliviit innaallagiallit, imillit, kiassaatillit il. il. naleqquttumik katersuuttarfissatut naatsorsuussat nunaqarfinni sananeqarnissaannut tapiissuteqarsinnaapput, illullu makkununngat ornejqarsinnaapput:

- 1) Atisanik errorsinermut.
- 2) Uffarnermut.
- 3) Amernik errorsinermut suliarinninnermullu.
- 4) Sanaalunnermut sananermullu.

*Imm. 2.* Illu sullivik nunaqarfimmiut angerlarsimaffimi suliassaasa ilaannut oqilisaataassaaq. Illu sullivik iluaqutaaniassaaq innaallagissiorfiup, imeqarfiup il.il. atorluarnejqarnissaannut. Illu sullivik nunaqarfimmiut ataatsimoorullugu pigaat.

**§ 3.** Namminersornerullutik Oqartussat tapiissuteqarsinnaapput pilersitsinermut aningasartuutit 85 procentiini. Pilersitsinermut aningasartuutit sinneri kommuneqarfiup pineqartup nammineerluni akilissavai.

**§ 4.** Illu sullivik kommunep pineqartup pigaa.

**§ 5.** Illu sullivik nunaqarfimmiut piffissani aalajangersimasuni atorsinnaassavaat.

**§ 6.** Kommunalbestyrelse siulersuisunik pilersitsissaaq illup sulliviup ingerlaneranik nakkutilliisussanik. Bygderådi, kommunalbestyrelse illumillu sullivimmik atuisut siulersuisuni sinniisoqassapput.

## Kap. 2

*Tapiissuteqarnissami piumasat.*

**§ 7.** Illup sulliviup ingerlannejqarnera pillugu commune ileqqoreqqusaliussaaq. Ileqqoreqqusaaq Namminersornerullutik Oqartussanit atortussangortinneqassaaq. Kommunep ileqqoreqqusaaq imaqassaaq makkua pillugit aalajangersakkanik:

- 1) Illu sullivimmik siulersuisut nakkutilliinissaannik.

- 2) Nakkutilliisumut ilitsersuummik.
  - 3) Illu sulliviuup atorneranut malittareqqusani.
  - 4) Illu sullivik pillugu tamanut ammasumik ataatsimiititsisarnermut tunngasunik.
- § 8. Kommunalbestyrelsep akisussaaffigissavai:**
- 1) Illup sananerata pimoorussamik aqunneqarnissaa.
  - 2) Illuliornermik nakkutilliisoqarnissaa.
  - 3) Illup sananerata nalaani aamma inernerata kingorna iluamik sillimmasesrimanissa sulissutigissallugu.
  - 4) Illuliorneq ingerlanneqassasoq pilersaarasiaq akueineqarsimasoq naapertorlugu.
  - 5) Aningaasat akuerisat atorneqarnerat nakkutiginerat.
  - 6) Aningaasat sippornissaat ilimanarsissappat Namminersornerullutik Oqartussat akuersisummi piniarfiginissaat.
  - 7) Suliaq naammassippat illuliornermut naatsorsuutit suliarinissaat.
  - 8) Illuliornermut naatsorsuutit Namminersornerullutik Oqartussanut nassiunnissaat.
  - 9) Illuliorneq aallartitsinnagu oqartussat akuersissutissaat pisariaqartut pissarsiarinissaat.
- § 9. Kommunalbestyrelse pisussaavoq isumagissallugu nunaqarfimmiut illuliap pilersaarisorneranut, sananeranut ingerlanneranullu sumulluunniit peqataanissaannut periarfissaqarnissaat soorlu makku atorlugit: Ataatsimiinnerit tamanut ammasut, politikkut peqatigiiffit ataatsimiitaliallu ataatsimiinneri, komitiit ataatsimiinneri, nammineq suliniuteqarneq allattulluunniit iliuuseqarneq.**

### Kap. 3

*Tapiissutissat ataasiakkaat suliarinerini periusissat.*

- § 10. Tapiiffingeqarnissamik qinnuteqaat illup sulliviuup sanaffigineqarfissaata kommuneata kommunalbestyrelseanit Namminersornerullutik Oqartussanut nassiunneqassaaq.**
- § 11. Aningaasaliissutanut pilersaarutinut atatillugu koinmunep anguniassavaa sananissamik pilersaarutimi kingusinnerpaamik ukiunik 3-nik sioqqutsisumik nalunaarutiginissaat.**
- § 12. Tapiiffingeqarnissamik qinnuteqaat Namminersornerullutik Oqartussanit kingusinnerpaamik pilersaarutip piviusunngortinnissa ukiumik sioqqullugu 1. maj tikitsinnagu tiguneqareersimassaq.**
- § 13. Illumik sullivimmik kommunalbestyrelsep qinnuteqaataa paassisutissanik makkuninnga ilaqtarinneqassaaq:**
- 1) Nunaqarfimmi toqqavissarsiap assinga nuutitaq.
  - 2) Sanaassap pilersaarusiap allaaserinera titartarnerilu.
  - 3) Sanaassamut aningaasartutissat ilimagisat pillugit missingersuut erseqqissagaq (sanasunut aningaasartutissat, maskinanut aammalu illup iluani pisatassanut assigisaannullu aningaasartutissat, titartaalluni pilersaarisornermut aningaasartutissat, sanaap siulorsorneqarneranut aningaasartutissat, nakkutillinermut aningaasartutissat il.il.).
  - 4) Ukumi ingerlatsivimmi siulermi ingerlatsinermi isertitassat aammalu aningaasartutissat ilimagisat pilersaarisornerat, pilersaarusiit suliarineqarnerani tunngavigineqarsimasut pillugit nassuaat ilanngullugu.
  - 5) Ukumi pilersitsivimmi akit akissarsiallu angissusii najoqqutaralugit aningaasalersuinissamut pilersaarut.
  - 6) Pilersitsinermut aningaasartutuutinit akiliutissani qanoq ililluni akilerniarnerini kommunep nalunaarutaa,

aamma ingerlatsinermut aningaasartuutissat pissarsiariniarnerat pillugu nassuaat.

7) Nunaqarfimmiut illup pilersaarusiорneranut, sananeranut ingerlanneqarneranullu tamarmut peqataasinnaanissaannut periarfissaqarnissaat pillugu kommunep qanoq iliorluni isumaginninniarneranik nalunaarut.

8) Illeqqoreqqusat atortussanngortinniakkat assingat ataaseq. Malittarisassanut missiliuut, ilitsersuutit il.il. ilanngullugit nassiunneqassapput.

9) Siulersuisunut ilaasortat aqqisa nalunaarutigineqarnerat.

10) Illuliornermut oqartussat, peqqinnissamut oqartussat, sulinermik nakkutilliisut aamma oqartussat allat akuersineri.

11) Pilersaarusiорnerup ingerlanneqarnissaa pillugu piffissamik pilersaarut.

**§ 14.** Namminersornerullutik Oqartussat nalunaarutigisinnaavaat paasissutissat suut §§-ini 11 aamma 13-imi taaneqarsimasut saniasigut nassiunneqassanersut.

**§ 15.** Akuersissuteqarneq naapertorlugu Namminersornerullutik Oqartussat ukiumi sanaassap aallartiffissaani 1. januar nallertinnagu qinnuteqartoq tapiissutinik neriorsuutaagallartunik nalunaarfigisinnaavaat.

**§ 16.** Nalunaarut erniinnarluinnaq atulissaaq.

Namminersornerullutik Oqartussat, 1. april 1985,

Hendrik Nielsen

/

Jakob Janussen

### Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviаt

Naalakkersuisut

